

觀齋文稿二集

靜觀齋文稿二集目錄上卷

蒙古世榮仁甫著

樂毅報燕惠王書書後

讀史記項羽本紀卮言五則

屈原離騷經書後

魯仲連說辛垣衍書後

九歌書後

卜居書後

賈誼治安策太息之六書後

九辯書後

司馬子長報任少卿書書後

弔屈原賦書後

魏其武安侯列傳書後

刺客列傳書後

班孟堅霍光列傳書後

劉子駿移讓太常博士書書後

藝文志書後

李廣蘇建列傳書後

地理志書後

食貨志書後

馬援與楊廣書書後

竇融移讓隗囂書書後

李固與黃瓊書書後

賈讓治河奏書後

諸葛孔明前出師表書後

與楊德祖書書後

鮑明遠蕪城賦書後

庾子山哀江南賦書後

奉天請數對羣臣兼許令論事狀書後

答崔立之書書後

上宰相書書後

論佛骨表書後

柳子厚墓誌銘書後

進學解書後

柳子厚禪樹郭橐駝傳書後

答韓愈論史官書書後

孔融論盛孝書書後

曹子建求存問親戚書書後

王羲之與會稽王箋書後

江文通恨賦書後

陸敬輿論兩河及淮西利害狀書後

韓退之與孟尚書書書後

答呂鑒山人書書後

答李秀才書書後

南海廟神碑書後

圻者王承福傳書後

梓人傳書後

與崔連州論石鍾乳事書後

司馬溫公答劉蒙書書後

歐陽永叔蘇氏文集序書後

范文正公神道碑銘書後

集古錄目序書後

秋聲賦書後

蘇明允上韓樞密書書後

表忠觀碑書後

答李端叔書書後

後赤壁賦書後

曾子固列女傳序書後

王介甫王深甫墓誌銘書後

中庸章句序書後

寄京兆許孟容書書後

張橫渠西銘書後

胡先生墓表書後

瀧岡阡表書後

華岳題名跋尾書後

祭尹師魯文書後

蘇子瞻代張方平諫用兵書書後

上王兵部書書後

前赤壁賦書後

蘇子由民賦序書後

寄歐陽舍人書書後

朱文公大學章句序書後

戊申封事書後

呂伯恭漢輿地圖書後

馬貴與文獻通考序書後

戶口考序書後

征權考叙書後

國用考叙書後

學校考序書後

郊祀考叙書後

樂考叙書後

刑考叙書後

帝系考叙書後

物異考叙書後

詩集傳序書後

六君子畫像贊書後

范甞之正蒙序書後

錢幣考叙書後

職役考序書後

市糴考序書後

選舉考叙書後

職官考序書後

王禮考序書後

兵考叙書後

經籍考叙書後

象緯考叙書後

元遺山故物譜引書後

輿地考叙書後

姚牧菴送暢純甫序書後

胡身之新註資治通鑑序書後

許魯齋與竇先生書書後

王景初上許魯齋先生書書後

王陽明申明賞罰以勵人心疏書後

宋景濂謝翱傳書後

尊經閣記書後

寄楊邃菴閣老論相業書書後

上徐閣老書書後

歸震川歸府君墓誌銘書後

唐荊川寄黃士尙書書後

項思堯文集序書後

史閣部復攝政睿親王書後

答廖東雱提學書書後

孫文定公三習一弊疏書後

睿親王與史可法書書後

儲在陸明盧忠烈公傳書後

南遊記書後

原人下書後

方望溪原人上書後

兵部尙書法公墓表書後

左忠毅公逸事書後

潘次耕日知錄序書後

吳殿麟答曹尙書書書後

曾滌笙原才書後

羅忠節公神道碑銘書後

大界墓表書後

答劉孟容書書後

金陵軍營官紳昭忠祠記書後

歐陽生文集序書後

書學案小識後書後

鄧湘泉船山遺書目錄序書後

薛叔耘代李伯相擬陳督臣忠勳事實疏書後

靜觀齋文稿二集目錄下卷

湯潛菴孫徵君先生文集序

姚姬傳南園詩存序書後

答鮑生桂星書書後

江忠烈公神道碑銘書後

鄧湘泉先生墓表書後

致劉孟容書書後

湖口縣楚軍水師昭忠祠記書後

汰冗兵疏書後

黃仙嶠前輩詩序書後

聖哲畫像記書後

左季高祭胡文忠公文書後

蒙古世榮仁甫著

王岷源鐵龕詩草叙

張芷青困勉齋文集序

奉天國文專修科競業會姓氏錄序

國立高等師範學校英語科同學錄序

國立瀋陽高等師範學校

史地博物

科同學錄序

國文專修科第一級同學錄序

國文專修科第二級同學錄序

劉殿選先生六十壽言序

中國海軍地理形勢論序

代

撫順佟氏族譜序

韻學管見序

說詩粹語序

誦詩隨筆序

國子監錄科試卷序

王迺廣先生八旬雙壽序

齊震巖同年之母魏太夫人八旬壽序

王岷源廳長之父益芝先生八旬壽序

清鄉督辦王恩普公之母郭太夫人七旬晉四壽序

代

張叙五師長之母梁太夫人八旬晉四大慶壽序

代

李化民先生暨德配韓太夫人七旬雙壽序

代

蔬香館詩鈔序

慶勤僖公行狀

王迺賡先生墓誌銘

清武舉周公墓表

節婦陳李氏事略

節母艾張氏墓表

孫贊堯督軍祖塋碑記

曾母郭太夫人褒揚建坊碑記

田完齋先生墓誌銘

劉封君暨繼配姜太恭人墓表

重修興國寺碑記

遼源文廟碑記

瀋陽高等師範學校

聖誕禮畢示諸生

舊歷戊午八月二十七日

李香齋之祖父七旬晉六壽

代

附著

謝廖湘浦同年惠茶葉水烟啓

時同寓庶常館湘浦名基鉅後官御史

爲裕藹如待詔身後求助同鄉京官啓

代

爲慶勤僖公求助啓

代

賀張督軍生孫序

代

代教育會致段上將軍啓

祭安母潘太恭人文代

代族孫榮譽祭其祖父益之府君文

祭祖母余太恭人文代次子訓作


安母潘太恭人冥碑代

安母潘太恭人冥碑代

某公碑銘

祭慶勤僖公文代

再祭安母潘太恭人文代



靜觀齋文稿二集

蒙古世榮仁甫著

讀史記項羽本紀卮言五則

楚霸王人中之英雄也太史公文中之英雄也以英雄之文寫英雄之人遂使英雄面貌氣魄千載如生若使無英雄之人雖有英雄之文則糞土朽木豈可雕朽又使無英雄之文雖有英雄之人則物換星移同歸湮沒則今之英雄何由如見乎古之英雄豈不令今古英雄同聲一哭乎乃天生此英雄之人而復生此能爲英雄之文者以傳之而英雄之人見而英雄之文亦見後世有崇拜英雄者賞此英雄之人愈不能不賞此英雄之文也

北篇之文如畫龍非畫龍也乃生龍也此篇之文如畫虎非畫虎也乃活虎也其騰驤天矯叱咤風雲俱足令人神駭目炫全史二十四部以龍門爲之冠史記百三十篇以此章爲其尤讀此書者須具全副精神極高識解玩其在天之象與嘯谷之威不得持其一鱗一爪而詡爲世上之奇珍也

十三經土田也廿四史倉庫也其餘子集則萬方之貢獻帑藏之贏餘也善讀書者必須於此中求生活若舍而之他譬如棄土田而不耕封府庫而不用而徒倚傍他人門戶求衣食幸而得其一粟一絲稍免飢寒而遂以感恩戴德之無已甚或見其室家之好儲蓄之豐時時誇耀於人吾知其終不得爲己有而爲終身之享用也必矣有志讀書須知此意

此等文字直如渾金璞玉欽其實莫名其器苟加以鎔鑄之功琢磨之力則一生取用無盡否則不加攻治棄而舍之或反不如一花一木之足觀一粟一絲之可用究之一花一木一粟一絲所值錢幾何所歷時幾何欲求希世之珍彰身之美烏可不求之渾金璞玉而徒求之一花一木一粟一絲也哉

經書之言可以培道德可以增智識聖賢之規範人世之模型也史書之言可以辨賢奸可以明得失夏鼎之象物秦鏡之燭奸也其言皆信而有徵可以建天地質鬼神確乎其不可拔也孔子曰信而好古又曰篤信好學又曰忠恕違道不遠吾人讀書苟能

本忠恕之心以立篤信之志則古今無難讀之書無難爲之事亦無難信之人否則泥孟子盡信書不如無書之言而謂六經半爲僞作史氏尤多警言輒謂古來聖狂賢奸之迹皆著書者臨文興到之言非必當日實有其事此等識解豈無一二讀書得間熟讀深思別有會心者淺見者信以爲然遂以正經正史舉不足信而與稗官小說同一視爲荒唐推其流弊勢必以堯舜爲欺世孔顏爲盜名甚至桀也可稱爲堯跖也可指爲舜舉天下人倫事物無不可以僞託概之由是爲學者德業不必修於身爲仕者功業不必施於世生平暴戾恣睢奸回無所不至而身沒之日牢寵一二才智之士爲之誇張粉飾幾以爲古今無上之人豪當局者且憫然有所藉口謂古今載籍皆如此也所謂誠者物之終始不誠無物之旨幾不復存於天下將胥天下而惟詐僞之是趨推原所自何莫非不信書者作之俑乎果如是則有書誠不如無書讀書並不如不讀矣夫豈孟子之意哉孟子所謂不可信特血流漂杵之類耳非教人廢書不讀也古今奇書如離騷莊子皆意有所託誠未可泥其詞矣若左國若史漢以及杜詩韓文皆經世

宏文豈有言之無徵者今人讀書不善信而善疑如讀史記此文輒謂史公一腔怨憤無處發洩借他人之酒杯澆自己之壘塊其所是非褒貶皆是空中樓閣甚至謂之謗書將數千年信史竟視爲荒渺無稽之談否則謂事關漢始皆隱約其詞以爲有所指摘之端如讀杜詩者無論何詩皆以爲有所諷斥附會穿鑿不幾以小人之心而度君子之腹乎以此誣古人實自誣耳豈孔子篤信好學之旨乎余生平於清朝大儒所欽佩者數人如顧亭林湯潛庵陳榕門方望溪姚惜抱曾滌笙之倫是已以其人皆篤信謹守躬行實踐無妄發之言而獨疑曾滌笙聖哲畫像記謂史記之書寓言十居六七不免疑其過當如讀此文但宜順其原文觀其布置細察諸人之言語聲音笑貌與其精神魄力自可得其用意之所在而史公之所以極意經營不啻如化工之造物妙手之寫真凡所點綴生新之處無非求肖其人求肖其物而已安有不肖其人不肖其物而可謂造物之化工傳真之妙手哉讀太史公書須作如此觀可也即讀類於太史公之書亦須作如此觀可也安得謂其寓言十竟六七哉曾公復生雖斥吾爲書痴所弗

避也願以質諸知言之君子

樂毅報燕惠王書書後

昔諸葛孔明高臥隆中自比管樂時人未之許也夫以英雄匿迹山林神龍不雨威鳳未翔庸耳俗目之中其不知也亦無足怪獨至風雲已合霖雨已施於報讐雪恥志得意滿之餘忽焉時移勢易被謗遭讒使功垂就而竟隳名將成而或毀以立德立功之想易而爲辟言避色之謀尤爲英雄吞聲飲泣太息咨嗟不忍自明而又不得不自明者也春秋戰國之有管仲樂毅皆能造時勢之英雄也乃一則不遇於始以得鮑叔之薦而勳名赫然一則不遇於終以有田單之間而遁逃遠引非其經略之有短長實以遭逢之有同異也先生此書不激不隨不亢不卑尤妙在陳述己意直同霽月光風不作怨怒之色前半敍得意處正悲歎其失意處後半引他人處正影射自己處立意既高措詞亦俊爽無匹嗚咽淋漓如彈雍門之琴如鼓湘靈之瑟真絕調也嗚呼長頸鳥喙范少伯獨照先幾走狗良弓張子房深悲同類其報主之忠保身之智蓋先後有同

揆矣昔人謂此文爲出師表藍本迄今讀之氣息頗近宜乎諸葛公之神交千古也
魯仲連說辛垣衍書後

自古論天下之事者理與勢二者而已觀夫周之有天下積德行仁數十世其後乃伐
紂而代之所謂周以龍興此以理言之者也秦之有天下圖富謀強數百年其後乃滅
周而取之所謂秦以虎視此以勢言之者也理之積者可爲降祥之驗勢之積者終爲
降殃之媒考之古今固有歷歷不爽者時至戰國之末所謂六國者大半篡竊之餘爭
城奪地殘民以逞已成強弩之末秦據百二之雄加以十餘世務農桑戰守之備駸駸
乎蠶食鯨吞天下莫禦矣六國之中士失其謀將失其勇秦兵所至斷魂喪魄不得已
而欲奉帝號以媚之以延旦夕之命亦迫於勢之無可如何耳爲仲連者誠欲爲六國
謀何弗效孟子之說齊梁之君而與之言仁言義薄斂省刑以救民於水火之中民氣
旣伸國力自張秦勢雖強其奈之何哉不知出此而徒以區區之名號爭之雖夜郎可
以自大而數十年後終不免秦政兼并六國之禍轉不若早日之稱臣奉幣猶可帶礪